



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

339. Quid sit infamia facti & juris.

[urn:nbn:de:hbz:466:1-74477](#)

nis, à quo is est impeditus; non tamen à beneficio talem ordinem non exigente. Garc. c. 12, num. 19. Sayr. n. 23. Less. loc. cit. Suar. n. 39. vide dicta supra de virtutis corpore.

Questio 336. Num ergo electio irregularis sit ipso jure nulla?

Respondeo: ita habere sententiam communio rem, & sentire ferè AA. q. precedente ad respons. primam cit. contrarium tamen, & quòd solum jure irritanda sit talis electio tenet Felin. in c. inquisitionis. de accusat. n. 6. & 8. Laym. l. 1. tr. 5. p. 15. c. 5. n. 3. Dian. p. 4. tr. 2. resol. 79. Castrop. p. 6. d. 6. p. 5. n. 7. Pass. n. 511. & seq. idem apud eundem ut probabile tenet Suar. Cùm nullus sit textus juris expressè irritans talem electionem; sed ad summum existent quidam prohibentes certos aliquos irregularias promoveri ad beneficia; prohibiti on autem faciendo aliquid, non irriter factum, nisi munita decreto irritante. c. si soli de concess. prob. in 6to. Adeoque etiam ex regula jam aliquoties adhibita, quæ habetur. c. fin. de cler. excom. prohibitus exercere actum alicujus officii, est simili prohibitus eligi ad illud officium: plus non deducatur, quām quòd electio talis sit cassanda, non scius ac electio excommunicati excommunicatione minore prohibiti eligi. Ad hanc irregularitas sit pena gravis, qua ut non incurritur, nisi in casibus jure expressis, ita etiam ei tribui nou debet effectus in jure non expressus. Præterea ex natura rei, & spe statà institutione irregularitatis per se irregularis non est incapax beneficii, cùm de facto cum irregularitate sit retentio beneficii antecedenter habiti; neque etiam electus ad beneficium, etiam curatum, statim ipso facto debeat exercere actum Ordinis. Ac denique pro hac sententia hanc sit conjectura, quod Papa in collationibus absolvat à censuris, ne collatio sit nulla; non tamen super irregularitate, quod eadem benignitate faceret, si pariter irregularitas collationem redderet nullam. Pass. n. 517. Peccat nihilominus talis, liberè recipiendo beneficium, quia in re gravi inobediens est sacris Canonibus; tenetque quamprimum potest petere dispensationem super irregularitate, ut plenè & dignè fungi possit officio. de cetero non tenetur in conscientia dimittere beneficium, quamvis in foro externo electio talis ad instantiam partis sit cassanda. Pass. n. 519.

PARAGRAPHVS II.

De morum honestate, & carentia infamiae.

Questio 337. Vtrum morum probitas seu honestas requiratur ad hoc, ut quis promoveri possit ad beneficia?

Respondeo affirmativè; morum siquidem probitas præcipua est qualitas, quam beneficiati habere debent, quia ex ea pender præcipuus Ecclesiæ fructus, & hinc variis textibus, nempe c. cùm in cunctis. de elect. c. grave nimis. de prob. clem. 1. de etat. & qualit. Trid. sef. 24. c. 18. cavitur vel maximè de hac qualitate inquire. Castrop. de benef. 4. p. 5. n. 1. Hinc etiam cùm morum honestas ma-

gis quām literatura in beneficiis requiratur; ca-rens hac honestate, ita ut deditus sit gravibus pec- catis cum animo in iis perseverandi, inhabilis red-ditur, ut ei de beneficio provideatur. Abb. in c. du- dum. de elect. Selv. de benef. p. 3. q. 2. num. 10. apud Castrop. loc. cit. n. 2.

Questio 338. Num igitur promotio talis, seu tali facta collatio (idem est de electione) sit jure ipso irrita?

Respondet negativè Castrop. nisi deli-ctum forte secum trahat suspensionem, excom-unicationem, aut irregularitatem; peccatum enim mortale, & voluntas perieverandi in illo non impedit officium beneficii debitum exercere (sicut impedit omnimoda carentia omnis litera-tura) ethi impediat exercere licet, hinc etsi pro-motio talis criminosa sit mala, non est tamen ipso jure irrita, citat pro hac sententia Castrop. Navara. in c. si quando. de rescrip. excep. 7. nu. 8. & Miscellan. de orat. 34. n. 4. Azor. p. 2. l. 6. c. 7. q. 11. cùm au-tem collationis beneficii annulatio respectu cri-minosus potius ex jure Ecclesiastico quām naturali provenient ob infamiam, videndum, quānam cri-mina commissa reddant committentem inhabi-llem, infamem, & à beneficiis exclusum. Talia au-tem sunt, quæ habentur in c. constituimus. 3. q. 5. c. in-fames. 6. q. 1. de quibus vide Azor. p. 2. l. 6. c. 7. q. 3. hac enim crima eo ipso, quòd quis de illis condemnatus sit, reddit illum infamem i. famam juris. infames autem infamia juris incapaces sunt beneficii acquirendi, etsi acquisito ipso jure non priuertur, sed veniant privandi. Castrop. loc. cit. n. 3. quin &c. si quis ob commissum crimen con-demnatus non est, gravata tamen est ejus opinio apud viros graves & probos, nec constet apud illos de emendatione, censet Castrop. ibid. n. 4. proba-bilius talem, durante hanc infamia facti, incapacem esse Ordinis & beneficii recipiendi, quia pro illo tempore irregularis est: ergo collatio ei facta est irrita; tum quia irregularis durante irregularitate est incapax beneficii; tum quia si contra textum c. cùm in cunctis. conferantur beneficia iis, qui non existunt scientia & moribus commendabiles, elec-tio eorum devolvitur ad Superiorem, quod nou fieret, si electio seu promotio talis fuisse validam. Castrop. loc. cit. citans Suar. ro. 2. de relig. tr. 5. de juvamento. c. ult. n. 4. & seq. Parif. de resq. l. 4. q. 3. in fine. Dian. & alios contra Garc. p. 7. c. 8. nu. 39. verum de his agendum aliquantò accuratius, unde

Questio 339. Ad distinctius intelligenda sequentia, quid sit infamia facti & juris?

Respondeo ad primum: infamia est notitia & opinio manifestata & divulgata extrinsecus voce (fama enim a fondo dicitur) orta ex rationabilibus & probabilibus conjecturis. (licet enim necesse non sit, ut ii, apud quos delictum diffamatum & divulgatum, sint testes de visu, quia tunc non esset tantum diffamatum, sed notorium; vel etiam, ut opinio illa ortum habuerit à pluribus testi-bus de visu dignis, tunc enim esset manifestum, re-quiritur tamen, ut ea ortum habuerit ex indiciis & conjecturis probabilibus, & sufficientibus ad hoc, ut viri providi graves & honesti opinentur ita es-se, alias enim non erit fama, sed vox vana populi. Abb. in c. qualiter, & quando. n. 19. Sylv. V. fama. Suar. loc. cit.) & habita à majore parte (ubi ob-servat.

fervat. Abb. in c. *inquisitionis*. n. 6. in majoribus triminibus maiorem numerum personarum, quam in minoribus requiri ad infamiam, & multò maiorem ad infamandum personas publicas, quam privatas) virorum honestorum, prudentum, & gravium (non enim est infamis, cuius fama latia est tantum apud malevolos, maledicos, pueros, mulieres vel leves personas. c. quando & qualiter de accusat. c. in cunctis. l. II. q. 3. Garc. loc. cit. num. 22. Sanch. opusc. l. 6. c. 3. dub. 9.) qui verisimiliter illud scire possunt ac debent, si factum est verum & divulgatum; quales ferè sunt vicini, vel multitudo eorum, quorum interest scire v. g. scholari-um, Universitatis, et si hi habitent in diversis locis civitatis, respectu delicti commissi ab uno illorum, ita tamen ut si haec multitudo sit parva, & non tan-ta, quæ constitutat populum (v.g. decem; populus enim ad minimum decem homines requirit. c. cu-tio. 19. q. 3. Sylv. V. *populus*) non sufficiat major illius pars, ut factum dicatur famosum. Suar. cit. d. 48. f. 1. n. 20. Abb. in c. *vestra*, de cohabit. Est itaque infamia facti ut condiscincta ab infamia juris, seu legali, macula quedam moralis, independenter ab omni lege humana ad ipsum factum consurgens, & pariens de operante notitiam obscuram cum vituperatione, & reprehensione, per quam in opinione hominum persona tanquam maculata censetur indigna ad actus quosdam legitimos, dignitates & munias.

2. Respondeo ad secundum: infamia juris seu macula moralis ad factum non nisi ex vi & institutione legis, sive scriptæ, sive non scriptæ, consurgens, & maculans in ordine ad effectus à lege intentos, describi potest, quod sit à jure inducta priuatio dominii ad famam legalem, nimirum ad eam famam, & opinionem laudabilem, honorabilem & claram, quam in hominibus supponunt actus legiti-mi, ut dignè, decenter, & validè exerceantur, adeoque & hoc dominio seu jure privati sunt, etiam delinquentes occultissimi, quibus nimirum haec pena infamia juris ipso facto incurrienda statuta est v.g. Sodomia occulti &c. infamia enim notarium, quos lex infamat, eo ipso quod aliquid commiserunt. Jafon in l. *cunctos populos*, c. de summa Trinitate l. 2. n. 44. Garc. c. 8. n. 17. Suar. loc. cit. n. 14. quod autem tales delinquentes occulti non licet diffamare extra judicium, non est inde, quod domini fama sint, sed quod illam de facto ad-huc, quamdiu delictum occultum est, possideant, & nec latro à possessione sine injury exturbandum sit privatæ auctoritate. Univocè itaque non conveniunt infamia facti & juris. & differt infamia juris ab infamia facti, quod illa non dicat opinione aliorum, nec sit necessariò quid divulgatum, sed quod quandoque etiam occultissimi delinquentes, ut dictum, illam incurvant. Item quod infamia facti directè & primò privet infamem possessione naturali fama suæ, infamia vero juris dominio, adeoque infamia juris & facti simul privent dominio & possessione, non tantum naturali, sed & civili fama propria. Ex quo effectu formalí primario sequitur deinde alter secundarius, qui est esse inhabilem, seu impeditum ad actus legitimos, præcipue Ordinum, Prælatura & dignita-tis, propter excellentiam, honorem & sanctitatem suam requirentium ministrum, qui in hominum opinione sit claræ fama & estimationis commendabilis. Ita ferè Pass. n. 543, & 547.

P. Leuren. Fori Benef. Pars I.

Questio 340. An igitur infamis infamia facti sit ineligibilis, & inhabilis ad Præla-turas, dignitates, beneficia, officia Ecclesiasti-ca, illiusque electio vel promotio, spectata solâ vi infamie facti, sit ipso facto nulla?

1. Respondeo ad primum affirmativè, constat ex jam dictis, & sumitur ex c. accidens de accusa-tum, de simonia c. fin. de furio. c. cum in cunctis de elect. c. grave nimis de præb. clem. i. de et. & qualit.

2. Respondeo ad secundum negativè; infamia enim facti propriè sumpta, seclusa institutione juris humani, gravat quidem personam, & obscurat, redditique indignam dignitatum & honorum, non quidem per modum legalis poenæ, & impedi-menti, sed ex natura rei seu naturali ratione, vel quantum lex naturæ, aut etiam gratia postulat (unde nec parit irregularitatē, quæ est legale impedimentum, & saepè poena illata à lege ob cul-pam. Suar. cit. d. 48. f. 1. num. 11. Filiac. tr. 19. c. 8. n. 204. Garc. loc. cit. num. 64. Pass. num. 535. contra Sanch. opusc. l. 6. c. 3. dub. 10. num. 14. Bonac. de cens. d. 7. q. 3. p. 1. n. 2. qui tamen, ut rectè Pass. in hoc non distinguunt factum ex natura rei, & factum ut stans sub lege) non tamen iniqui & scelesti jure naturali incapaces sunt jurisdictionis & po-testatis, adeoque eorum quantumcunque notori-orum electio al' ave promotio, quanrum præcisè ex hac infamia facti non est irrita. Suar. loc. cit. Pass. nu. 536. quamvis tales peccent ingerendo se officiis puritatem vite, & morum requirentibus uti & eligentes, confirmantes, promoventes illos contra justitiam proprii officii. Teneatque hoc ipsum, etiam delictum sit enorme & notorium notoreitate solum facti. Garc. loc. cit. n. 47. Less. l. 2. c. 34. nu. 12. Pass. num. 568. citans plures alios, constabuit melius ex dicendis. q. 108.

Questio 341. An & quis dispensare possit in infamia facti?

Respondeo: hac infamia propriè loquendo est indispensabilis, jus enim naturæ, & dicta-men rationis indispen-sabile prohibet infamem, manentem talem, hoc est, qui digna pœnitentia virtuosaque vita præcedente infamiam non absterit (qua sic absterfa nihil est quod impe-diat amplius) promoveri ad Prælaturas & officia Ecclesiastica. Pass. n. 548. contra Barb. de off. Ep. alleg. 43. n. 30. Navar. c. 27. n. 204. Rodriq. ro. 1. q. 24. n. 6. Mirand. ro. 2. q. 8. a. 5. & alios docentes posse in hoc dispensare Episcopū, & consequenter etiā Prælatū regularem cum suis. Verum hi AA. infamiam facti cum infamia legali confundunt; nam infamia respectu effectuum, quos parit ex lege positiva, in quibus quandoque dispensare potest Episcopus, est infamia legalis. Poterunt nihilominus Episco-pi & Prælati regulares quandoque discernere, an infamia facti sit, vel non sit talis, ut impedit; utrum sufficenter per pœnitentiam sublata. Pass. num. 541.

Questio 342. Nam infamis infamia juris late sententia, & ipso facto incursum suppono enim cum Barb. de oit. Ep. alleg. 43. nu. 13. Garc. p. 7. c. 8. n. 17. Suar. de cens. d. 48. n. 16. Filiac. tr. 19. c. 8. n. 209 Pass. n. 548. & alios contra Castrop. l. 4. d. 4. p.

L

4. n. 4.